

Publicaziuns officialas dils 2 d'avrel 2026

Vischnaunca Trun

Uras d'avertura dall'administraziun communal sur Pastgas

L'administraziun communal resta serrada naven da gievgia, ils 02-04-2026 allas 11.30 uras entochen mardis, ils 07-04-2026 allas 09.30 uras. Nus engraziein per la capientscha e giavischein a tuttas convischinas ed a tuts convischins bialas Pastgas.

Administraziun communal Trun

Lubientschas da carrar sin las vias d'uaul

El decuors digl avrel vegnan las vias d'uaul schubergiadadas e preparadas per il traffic motorisau. Las legitimaziuns da carrar sin las vias Alp da Schlans, Boden, Munt e Nadels san vegnir retratgas naven dad immediat tier l'administraziun communal. La suprastanza communal lai era uonn menar atras las controllas sin las vias d'uaul.

Administraziun communal Trun

Sanaziun dalla via Resgias sut

Ils 7 d'avrel 2026 vegn entschiet cun la sanaziun dalla via Resgias. La via vegn sanada naven dils binaris dil tren engiuviars tochen tier la cruschada via Oгна. In sviament pil traffic vegn signalisau. Per damondas stat il cau dil stradalesser dalla vischnaunca, Albert Spescha (081 920 204 5), a disposiziun.

Suprastanza communal Trun

Museum Sursilvan Cuort Ligia Grischa

Sonda, ils 4 d'avrel, 16:00. Vernissascha dall'exposiziun da fotografias da Leo Condrau. Sia fotografia marcada dil viadi e dil mund muntagnard ei sesviluppada da maletgs documentars en il Nepal, Nigeria ed en ils Stadis Unis dall'America entochen ad in focus artistic sin la natira ellas cuntradas alpinas.

Cordialmein envidan igl artist ed il team dil museum

Pro Schlans Sentupada a Schlans

Ei dat ina nova purschida da s'entupar a Schlans: Mintga meins vegn organisau ina tscheina comunabla aviarta per tuts en la Sentupada. L'emprema sera ha liug **ils 10 d'avrel** naven dallas 18.30 – tscheina dallas 19:00 – Annamaria Pfister e Richard Feurer cuschinan.

Detagls sut www.schlans.ch. Annunzias bugen entochen margis sera, ils 7 d'avrel per sms, whatApp, telefon ni mail: +41 79 640 31 86 ni markus.leo.kaiser@gmx.ch.

Uniun da dunnas Trun/Zignau

Suentermiezdi creativ

Temps d'esser creativs en cumpignia! Nus s'entupein mesjamna, ils **8 d'avrel 2026** allas 14.00 uras en scolaTrun (stanza textil) cun nos projects, giugs ni per star ensemen da cumpignia. Tgi che sa buc organisar senza in taxi, sa s'annunziar tochen dus dis avon tier Manuela Schwarz (077 406 21 08). L' Uniun da dunnas envida cordialmein e selegra scheTi eis era dalla partida.

Uniun da dunnasTrun/Zignu